

Quint annual da la BCG 2018: La banca crescha vinavant

Cuira, ils 8 da favrer 2019 – La Banca Chantunala Grischuna (BCG) è puspè creschida fermamain. L'onni da gestiun 2018 ha ella danovamain realisà in resultat da record cun in gudogn net da CHF 198.0 miu. avant las reservas. Ils motors da la creschientscha èn stads ina prestaziun da vendita eccellente e l'emprima giada ina consolidaziun cumplaina da l'Albin Kistler AG. La Banca privata Bellerive AG ha medemamain cuntanschi in resultat operativ da record.

Las cifras distinctivas:

- gudogn dal concern: CHF 185.1 miu. / +2.7%
- resultat da fatschenta: CHF 196.1 miu. / +0.4%
- gudogn net avant las reservas excl. minoritads: CHF 198.0 miu. / +0.1%
- afflussiun da novs daners: CHF +924.6 miu.
- creschientscha da las ipotecas: CHF +687.3 miu. / +4.2%
- relaziun da custs e d'entradas I: 46.7%; relaziun da custs e d'entradas II (incl. amortisaziuns): 49.9%
- la Banca privata Bellerive AG, Turitg, ha cuntanschi in resultat operativ da record
- per l'emprima giada ina consolidaziun cumplaina da l'administraziun da la facultad Albin Kistler AG, Turitg

Il president da la banca Peter Fanconi sa legra dal success da la BCG l'onni da gestiun 2018: «A basa da scenaris da l'avegnir sa fatschenta la BCG cuntinuadamain cun sia orientaziun strategica. La strategia da diversificaziun da la banca, realisada cun augmentar sia fatschenta d'investiziuns e d'administraziun da la facultad, mussa in effect positiv correspondent en il resultat cuntanschi». Tenor il CEO Alois Vinzens è la BCG creschida a moda legraivla en tut ils champs commerzials. «Uschia conferma la banca sia posiziun a la testa dal martgà en il Grischun. A medem temp avain nus investì fermamain e cun success en projects innovativs.»

Fatschenta da tschains: ils custs da garanzia scrudads cumpenseschan las chargias dals tschains negativs

Il resultat da la fatschenta da tschains (CHF 259.4 miu.) è s'augmentà per 2.0% (CHF +5.1 miu.), malgrà che la banca ha pudì schiar damain rectificaziuns da la valor. Il resultat dals tschains bruts è creschì per 2.7%. L'augment dals emprèsts n'ha betg pli pudì cumpensar las chargias supplementaras dals tschains negativs. La quota da credits cun retard dal pajament resta cun 0.2% sin in nivel istoricamain bass.

Fatschenta da cumissiuns e fatschenta commerciala: ferma creschientscha grazia a l'Albin Kistler AG

Il resultat da la fatschenta da cumissiuns e da servetschs è creschì per 13.7% sin CHF 106.5 miu. (CHF +12.8 miu.). La consolidaziun cumplaina da l'Albin Kistler AG, realisada per l'emprima giada, ha contribuì essenzialmain al retgav supplementar en la fatschenta da cumissiuns. Las iniziativa strategicas en la fatschenta d'investiziuns da la sedia principala han medemamain mussà effect. Il volumen d'investiziuns è s'augmentà cleramain e l'intensità dal retgav ha pudì vegnir mantegnida sin in aut nivel. Cun il resultat annual è la banca s'avischinada a la finamira strategica da cuntanscher 30% dal retgav da la fatschenta da cumissiuns. Questa quota è creschida durant l'onn da gestiun sin 27.7% (onn precedent: 25.1%).

Ulteriur gudogn: ils martgads da chapital engrevgeschan il resultat

La performance als martgads d'aczijs ha engrevgià l'ulteriur resultat ordinari (CHF -6.9 miu./-47.2%). Las investiziuns finanzialas en vaglias han participà cun ina perdita da CHF 1.1 miu. al resultat, entant ch'ins aveva pudì realisar l'onn precedent anc ina contribuziun positiva da CHF 3.3 miu. Il retgav da participaziun (CHF -1.4 miu. visavi l'onn precedent) cumpiglia la distribuziun pli auta da la Grupp Aduno sco er ils retgavs pli pitschens tar la valitaziun d'equity da l'Albin Kistler AG (consolidaziun cumplaina a partir dal 1-7-2018).

Custs da fatschenta: la productività è vinavant sin in fitg bun nivel

Ils custs da fatschenta inclus l'indemnisaziun da la garanzia statala èn s'augmentads visavi l'onn precedent per 5.6% u CHF 9.5 miu. La consolidaziun cumplaina da l'Albin Kistler AG declera CHF 6.1 miu. da l'augment dals custs. Ils ulteriurs custs supplementars sa resultan d'investiziuns en projects da l'avegnir. La relaziun da custs e d'entradas I (senza amortisaziuns) ha muntà a 46.7%. La relaziun da custs e d'entradas II resta cun 49.9% (onn precedent: 48.5%) vinavant sut la marca da 50%.

Resultat da fatschenta: CHF 196.1 miu./+0.4 pertschient

Il resultat da fatschenta (CHF 196.1 miu.), sco mesira per la prestaziun operativa, ha anc ina giada pudì vegnir meglierà (+0.4%). L'augment en ils pli impurtants secturs da retgav sco era la reducziun da posiziuns da ristga decleran quest svilup fitg legraivel. La participaziun da maiortad a l'Albin Kistler AG ha engrevgià il resultat net cun CHF -10.2 miu. (onn precedent: CHF -1.0 miu.) tras l'amortisaziun da goodwill.

Gudogn dal concern: CHF 185.1 miu./+2.7 pertschient

Il gudogn dal concern preschentà è s'augmentà sin CHF 185.1 miu. grazia a la ferma fatschenta operativa. Las expensas da project da CHF 3.7 miu. en connex cun l'iniziativa «Digital Banking 2020» ha la banca finanzia cun las reservas da banca liadas a las investiziuns per l'avegnir.

Emprests a la clientella: ferm augment da 3.5 pertschient

L'augment dals emprests a la clientella munta a 3.5%. A la creschientscha surproporzionala han contribuì danovamain las ipotecas extrachantunales d'emprima classa. Passa la mesadad da l'augment ipotecar (+4.2%) è vegnida generada ordaifer il chantun. Quest svilup demussa che la banca ha surmuntà ils cunfins dal martgà intern e contribuì a la diversificaziun.

Facultad da la clientella: s'augmentada per CHF 3.5 mia. sin CHF 33.2 mia.

La facultad da la clientella da CHF 33.2 mia. (+11.9%/CHF +3.5 mia.) è vegnida influenzada a moda positiva da la consolidaziun cumplaina da l'Albin Kistler AG, succedida il 1. da fanadur 2018 (CHF +4.1 mia.), e da l'afflussiun da novs daners (CHF +0.92 mia.). La performance negativa al martgà d'aczijs durant il quart quartal ha puspè reduci la facultad da la clientella (CHF -1.4 mia.).

Dotaziun d'agen chapital: eccellente quota dal chapital essenzial cun 18.8 pertschient

La BCG ha la finamira da sa differenziar a moda positiva dal martgà cun ina dotaziun d'agen chapital surproporziunala. La quota da chapital validada munta a 18.8% (relaziun CET 1) e sa cumpona cumplainamain da chapital essenzial ferm. Cumpareglià cun la quota pretendida dal dretg da controlla da 12.8% dispona la banca damai da grondas reservas d'agens meds.

Distribuziun: dividenda da CHF 40.00

Il resultat excellent pussibilitescha a la banca da mantegnair la dividenda da CHF 40.00. En total vegnan pajads via dividendas CHF 100.0 miu. al chantun Grischun ed als participants. Il chantun Grischun survegn inclus l'indemnisaziun da la garanzia statala CHF 87.4 miu. (CHF +0.1 miu.). Al fond da contribuziuns per projects nuncommerzials dals champs cultura, utilità publica, sport, economia, turissem e societad è vegnids assignads danovamain CHF 3.2 miu.

In sguard en l'avegnir

Igl è da quintar ch'il resultat da la fatschenta da tschains sa reducescha sin fundament dals tschains negativs constants. Il svilup dal resultat da fatschenta na pretenda betg in'ulteriura reducziun da las posiziuns da ristga, uschia ch'igl è da spetgar cun in resultat tranter CHF 175 e 180 miu., sche l'ambient da la bursa resta stabil. En l'affar da clients quinta la BCG per il 2019 cun ina creschientscha dals emprests a la clientella da radund CHF 350 miu. e cun in'afflussiun da novs daners da var CHF 500 miu.

Contact per ils collavurats da medias e per investurs:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1009 collavurats e collavurats (stadi dals 31-12-2018). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 26.5 milliardas in gudogn dal concern da CHF 185,1 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants:	4 da matg 2019
Rendaquint semestral 2019:	25 da fanadur 2019
